

ORGANIZACIJA STRUČNIH DVOGODIŠNJIH STUDIJA

Polazeći od činjenice da postoji veliki interes privrednih subjekata za realizacijom stručnih dvogodišnjih studija na visokoškolskim ustanova, a posebno od strane Univerziteta u Sarajevu, tražim od Ministarstva za obrazovanje, nauku i mlade Kantona Sarajevo odgovor da li je u skladu sa zakonskom obavezom Univerzitet u Sarajevu donio svoj Statut i dostavio ga Ministarstvu na saglasnost.

Naime, Zakonom o visokom obrazovanju konačno je predviđena mogućnost realizacije **dvigodišnjih stručnih studija**, uz uslov da se sva bitna pitanja od kojih zavisi realizacija istih, prethodno definišu statutom visokoškolske ustanove. U tom smislu interesuje me da li je i kada Univerzitet u Sarajevu dostavio Statut na saglasnost Ministarstvu za obrazovanje, nauku i mlade te da li je i kada resorno ministarstvo dalo saglasnost na isti. Ukoliko se utvrdi da Univerzitet u Sarajevu nije dostavio statut na saglasnost, tražim da resorno ministarstvo zatraži od Univerziteta u Sarajevu dostavljanje statuta na razmatranje u najkraćem roku.

O b r a z l o ž e n j e

Zakonom o visokom obrazovanju koji je Skupština Kantona Sarajevo usvojila prošle godine konačno je predviđena mogućnost **organizovanja stručnih studija u trajanju od dvije godine**, nakon čijeg okončanja bi osobe koje završe takav studij mogle biti na raspolaganju realnom odnosno privrednom sektoru, a istovremeno bi mogle nastaviti svoje obrazovanje. Naglašavam da za organizacijom stručnih studija postoji veliki interes privrednih sudbjekata, a posebno u oblasti informacionih tehnologija.

Univerzitet u Sarajevu je u cilju realizacije dvogodišnjih stručnih studija, prije nekoliko dana, konačno potpisao i **Memorandum o saradnji sa Udruženjem za informacione tehnologije Bit Alijansa**.

S obzirom na činjenicu da je Zakonom o visokom obrazovanju predviđeno da se sva relevantna pitanja u vezi sa organizacijom i izvođenjem stručnih studija uređuju statutom visokoškolske ustanove, kao i da se bez prethodnog definiranja tih pitanja ne može pristupiti realizaciji istih, potrebno je da UNSA u što kražem roku pristupi donošenju Statuta i njegovom dostavljanu Ministarstvu za obrazovanje radi davanja saglanosti na usklađenost Statuta sa Zakonom o visokom obrazovanju.

Sarajevo, 04.04.2018g.